



CLASSIS DECIMA-QUARTA.

De Præparationibus simplicium
Medicamentorum usualium.

PRæparata officinarum communiter, & in specie sic dicta, nihil aliud sunt, quàm simplicia nonnulla duriuscula in tenuissimum pulverem, accedente aliquâ aquâ cordiali, redacta talia sunt: *Terræ, Lapides, Perle, Corallia, Crustacea* seu *Testacea.*

Modus præparandi.

Rem præparandam læviga super Porphyrite lapide versatili quàm minutissimè; inter lævigandum asperge aquam aliquam Cordialem (*Putæ Rosarum, Borriginis, Melisse & similibus*) ut fiat instar *Pultis*, hanc expone loco tepido, vel aëri, ut in umbrâ exsicceetur.

Nota. Quæ solidiora & duriora, adeoque minùs lævigabilia sunt, ustione antegressâ calcinari, friabiliaque reddi solent, ut *Cornua, Ossa, Crustacea & similia.*

Usitatiora sunt

Præparationes *Cinnabaris,*
Conchæ,

Coral-

Corallorum alborum,
rubrorum,

Cornu Cervi usti,

Chel. Cancror.

Crystalli,

Granati,

Hematitis,

Hyacinthi,

Lapidis Armeni,

Calaminaris,

Judaici,

Lazuli,

Magnetis,

Margaritarum,

Matris Perlarum,

Oculorum Cancri,

Ovorum Struthij,

Saphyri,

Smaragdi,

Spodij,

Tutiae,

Nota. Quod ad confectionem Alkermes
Lapis Lazuli uratur in crucibulo postea ut
supra terendo & laevigando in tenuissimum
pulverem redigatur.

Aluminis ustio.

℞. Aluminis Rochæ quantum volueris.

Indatur vasi figulino non vitreato, &
igne circumquaque accenso, aduratur do-
nec ampullas ampliùs non emittat.

Butyri Majalis præparatio.

℞. *Butyri insulsi sub mensis Maij finem confecti q. v.*

Indatur vali terreo vitreato, & Balnei vel Solis calore liquefeat: supernatans Butyrum per inclinationem separetur à sero subsidente; & Colatum, idoneo loco sine sale recondatur, in annum usum.

Cochlearum Testarum præparatio.

℞. *Cochlearum oblongas Testas*, quæ propè piscinas & lacus reperiuntur, his affunde *Acetum distillatum*, stent in infusione per noctem ad extrahendum mucorem, quem diligenter abrasdes, postea pulverisa, & cum aqua *Cardui Benedicti* in marmore præpara: volatilis enim illarum cinis per calcinationem aliàs factus nullius est pretii, nec operationis in usu.

Cornu Cervini spagyrica præparatio.

Calcinatio hæc commodè in Vesica perficitur coctione continuâ mediante distillatione aquarum *Acetose*, *Cardui Benedicti*, *Calendula*, *Scorzoneræ* & similibus, per cujus vaporem *Apices Cornu* in collo Alembici quâ parte attingi & penetrari queant, suspensi, jucundo & miro modo ad perfectam albedinem absque flammis violentis vires aliàs exurentibus (ut in vulgari calcinatione fieri solet) mollescant &

& calcinentur secundum artem, & ferventur ad usum.

Millepedum præparatio.

℞. *Millepedum vivorum q. v.*

Diligenter à sordibus purgentur deinde Spiritu vini dephlegmato inebriantur., & calore moderato siccentur.

Opii Correctio præparatio.

Opium frustulatim & in teneras lamellas conscissum collocetur supra laminam ferream, quam super carbones accensos leniter incallescere, & *Opii sulphur Narcoticum* sensim exhalare sine, quousque non amplius fumum vel vaporem emittat, cavendo tamen ne comburatur; sed ut solummodò torrefiat, & hæc facilis est & compendiosa, genuina tamen *Opii* præparatio.

Plumbi ustio.

℞. *Plumbi q. v.*

Liquefcat in fictili novo & injice *Sulphuris pulverisati q. s.* ignem succendito flagrans plumbum spatulâ ferreâ versetur donec prorsus in cineres redigatur.

Scammonii præparatio.

Scammonium super cartam bibulam ex-

134 PHARMACOPOEIA
pansum fumo sulphuris suffumigetur, id
studiose cavendo ne lique scat sed lentissi-
mo calore fumo sulphuris imbuatur.

Tuthiæ præparatio.

*℞. Tutie officinarum, seu Cadmiæ Græ-
corum quantum volueris.*

Ter saltem in Crucibulo candefacta, ter
aquâ Rosarum & Plantaginis extinguitur,
deindè super marmor in subtilissimum pol-
linem lævigata, cum aquâ Plantaginis &
Rosaceâ redigatur in pastillos.

Plures aliorum simplicium utpote Ra-
dicum seminum & similibus præparationes
variis in dispensatoriis reperiuntur quo-
rum nonnullas, tamquam inutiles & non
necessarias refutamus nonnullas vero Me-
dicorum judicio & præscriptioni relinqui-
mus.



CLAS.